



Codex diplomaticus Brandenburgensis

Sammlung der Urkunden, Chroniken und sonstigen Quellenschriften für
die Geschichte der Mark Brandenburg und ihrer Regenten

Sammlung für allgemeine Landes- und kurfürstliche
Haus-Angelegenheiten

Riedel, Adolph Friedrich

Berlin, 1861

84. König Kasimir von Polen bevollmächtigt Gesandte zum Abschluß des
Heirathscontractes für seine Tochter Sophia mit dem Markgrafen Friedrich
von Brandenburg, am 1. Januar 1474.

Nutzungsbedingungen

[urn:nbn:de:hbz:466:1-56615](https://nbn-resolving.org/urn:nbn:de:hbz:466:1-56615)

tempore de die et tempore Nuptus et Copulationis Dotisque, et Dotalitii ac etiam de Inscriptionibus, Vnionibus et Confoederationibus etc. inter Regnum, Dominia et Terras Serenissimi Domini Regis Polonie, Ducatusque et Dominia Marchionatus ceterorumque Principatuum nostrorum et de aliis omnibus, que circa talia dicenda, tractanda et concludenda esse debent et sunt consueta, concludere debent, et determinare inscribereque et consummare. Quam quidem promissionem per Nos, ut premittitur, factam, in omnibus suis punctis et clausulis predicti Oratores et Procuratores nomine Regis acceptaverunt et gratam atque ratam habuerunt. In cuius rei testimonium et evidentiam Sigillum nostrum presentibus fecimus subappendi. Datum in Castro nostro Cadoltzburg, septima Mensis Decembris, Anno Domini millesimo quadringesimo septuagesimo tertio.

Nach Dogiel, Cod. Pol. I, 412.

84. König Kasimir von Polen bevollmächtigt Gesandte zum Abschluß des Heirathscontractes für seine Tochter Sophia mit dem Markgrafen Friedrich von Brandenburg, am 1. Januar 1474.

Casimirus, Dei Gratia Rex Polonie, Magnus Dux Lituanie, Ruffie, Pruffieque Dominus et Heres etc. Significamus tenore presentium quibus expedit Vniuersis, Quod cum Illustrissimi Principes Domini Albertus, Sacri Romani Imperii Archicamerarius et Elector Marchioque Brandenburgensis, Stetinensis etc., Burgrabius Norimbergensis Princepsque Rugie, et Fridericus, natus suus, Fratres nostri charissimi, gerant in desideriiis et affectu, singularis amicitie et affinitatis conglutinationem Nobiscum inire et ingredi, ex Contractu Matrimonii inter Illustrissimam Natam nostram Sophiam, carissimam secundogenitam, et prefatum Dominum Fridericum, eiusdem Domini Marchionis Natum, Nos considerato dictorum Principum tali affectu, Nobiscum in strictiori quam ceteri amicitie et affinitatis vinculo convivere volentium quamque nullo Pacto repudiandam et spernendam esse censuimus, matura intra Nos deliberatione prehabita, et sano Prelatorum, et Baronum nostrorum ad id accedente consilio, Reverendum in Christo Patrem Andream, Episcopum Pofnaniensem, et Magnificos Stanislaum, Palatinum Calisiensem, Joannem Pofnaniensem et Dobrogost de Ostrorog Gnesnensem, Castellanos, Consiliarios nostros sincere dilectos, quorum Nobis cognita est legalitas et in rebus agendis peritia, omnibus melioribus modo, via, iure, stilo, forma, causa et Ordine, quibus melius et efficacius potuimus et valuimus possumusque et valemus, de certa nostra scientia in Oratores nostros negotiorumque nostrorum gestores, factores, expeditores, nuntiosque speciales et generales,

cum pleno, amplo, libero et sufficienti Mandato nominavimus, deputavimus, institavimus et prefecimus, nominavimusque deputavimus, institavimus ad conveniendum pro die St. Georgii proximo in Oppido Pniewy cum Nuntiis et Oratoribus predictorum Dominorum Principum Alberti, Marchionis Brandenburgensis etc., et Nati sui Friderici, cum eisdemque de Matrimonio inter Principes predictos Sophiam natam nostram et Fridericum, nec non de Dote et Dotalitio, Matrimonium huiusmodi concernentia tractandi, illud quoque et illa concludendi et firmandi, solidandi et reformandi, litterasque necessarias super conclusis, firmatis et solidatis petendi, aliaque omnia et singula faciendi, dicendi, agendi et terminandi, que in premissis et eorum quomodolibet videbuntur fore necessaria seu quomodolibet opportuna, etiam si talia forent, que Mandatum specialius requirerent, quam presentibus sit expressum. Promittentes Nos Casimirus Rex prefatus omnia et singula, que dicti Oratores nostri nomine nostro circa conclusionem Matrimonii prefati, Dotisque et Dotalitii huiusmodi Reformationem ac cetera omnia et singula premissa concluderint, fecerint, ordinaverint et firmaverint, rata, grata, firma et inviolabilia tenere et observare. Datum in Radom, Sabbato ante Circumcisionem Domini. Anno eiusdem millesimo quadringentesimo septuagesimo quarto.

Nach Degiel, Cod. Pol. I, 412.

85. Kurfürst Albrecht's Wittthumsverschreibung für Sophia von Polen, die Verlobte seines Sohnes Friedrich, vom 11. November 1475.

Nos Albertus, Dei Gratia Marchio Brandenburgensis, Sacri Romani Imperii Archicamerarius, Princeps Elector, Stetimensis, Pomeranie, Sclavorum et Cassuborum Dux, Burgravius Norimbergensis, ac Rugie Princeps, Recognoscimus tenore Presentium, quibus expedit, universis, tam presentibus, quam futuris. Quia disponente Altissimo Illustrissimum Principem Dominum Fridericum, eadem Gratia Marchionem Brandenburgensem, Stetinsensem, Pomeranie, Slavorum et Cassuborum Ducem, Burgravius Norimbergensem ac Rugie Principem, Natum nostrum charissimum, Serenissimi Principis Domini Casimiri eadem Gratia Regis Polonie, M. D. Lituanie, Russie, Prussieque Domini et Heredis etc. Domini et Fratris nostri charissimi, Illustrissime Filie, Principi et Virgini Sophie matrimonialiter desponsavimus de scitu et bona voluntate prefati Filii nostri Marchionis Friderici. Quibus prefatus Dominus Rex triginta duo millia florenorum Hungaricalium puri auri et boni ponderis ratione Dotis constituit et inscripsit, iuxta tenorem Literarum Matrimonialium Posnanie desuper confectarum et emanatarum, quarum data est die Dominico ante Festum Sancte Hed-